



鴻爪集序

郡司馬實菴曹公以崔盧鉅望擅風雅宗工四方名士

歸之不啻眾星之麗天百川之赴海矣其自徽省出貳

新安興者興除者除所以嘉惠六邑者不遺餘力復以

其振刷之暇與二三同官及郡之風流名彥討論文史

流連咏歌爲山城生色不才如治荆亦得以繭絲下吏

仰承德輝而奉教於大君子之側不亦幸哉不亦幸哉

今年春公適赴期會詣陵陽駐節閱月歸治荆出迎道

左卽手一編見示題云鴻爪集公若曰是不過行踪所

至率意抒寫者而已治荆敬受讀之詩約四十餘首而

中間之或遊覽或酬贈或睹物賦詠或卽事感懷詩人之情致已畧盡之至其詩之爲奔逸爲離奇爲高蒼爲沉著爲幽折而雋永爲澹宕而渾脫一皆不意出之總非依門旁戶者之所可及公之於詩何若是其周通而善變乎昔人如自傳江州韋公吳郡所治皆有著作固無待言公於偶所託迹便有耑帙若是爲菴林膾炙豈其微哉 治荆方佩服公朝天諸集之不暇而忽又得是編甚矣其重有幸也能不敬爲識之康熙丁卯秋七月屬吏靳治荆拜題

序

古聖經世垂教以道器分形上下舉目俯仰無非器耳然則道成虛謂歟器可循歷指數而道不可見不可見而又非無將於何驗之則固有名之道器語其分形判爲上下者盈世間無非斯人結爲宇宙以成斯世頂踵七尺五官百骸可循可數其所以運之之神明不可得見焉分屬飛走發于動直代謝相尋運爲千萬世乃所謂道耳道非器不形器非道不立上下考微顯之稱也不獨禽魚卉木梠諸色質卽德行事功言語昔人以配宇宙謂之三不朽者有一定皆謂器道卽寓乎其間不

分之二無以見精微不合之無以證實驗經世之士何以
體諸躬而不虛垂教之旨哉詩文爲言語之神明神明
一本諸心能出三不朽心固運立宇宙成世經世者苟
詩文無關世道君子所不取雖不可槩責之人人豈可
謂世無其人乎某讀曹實菴先生鴻爪集竊有感于立
言名集之指夫雪鴻爪跡見道言也先生第言其東西
無定之踪而神明所合皆本至性懷贈酬唱情緒顯然
可見丁卯春先生去宛陵友人汪栗亭以試事從之哭
拜于施愚山先生之殯宮先生昔以諸生受知施公癸
卯發解卽走宛陵拜謁及是在巽宿草荒烟爲之大痛

與栗亭長慟旅舍經紀其後人不遺餘力聞者駭歎
數十年所未經見而聲韻亦錄之發焉夫言爲載道之
具人爲傳道之宗切于身則仁義忠恕推而遠則禮樂
兵農總在生民日用之間而提綱析目使之共錄而無
淪斲聖人之爲教如斯而已耳先生至性篤行以恬漠
無營之懷抱道親民得于心見于行事成效于家國有
時吐爲詩篇旁無枝葉亦無定格如是集之可杜可韓
可白可蘓陸筆之所至胸臆學力俱出真如鴻飛冥冥
世人空求爪迹于停雪之上不亦爲識者所笑耶近人
之文每以道自許此固不足語或者又以道爲高遠不

可異是皆不知道卽日用實事生民無須史籀者不能
因良師友講求以明其故遂致一身所載終于不察不
著斯世大矣寧無若人視三不朽經世之業同于寢食
而糟粕之如先生者恨予未之多見耳鴻爪之錄還以
問之先生焉新安王焯撰

題辭

是集乃曹公實菴先生往來陵陽所作也名曰鴻爪計
詩四十四首備具諸體其間爲贈答爲聯吟或憶往昔
或紀目前以至賦物詠懷無不淋漓盡致感慨係之昔
人讀唐詩至韓杜讀宋詩至蘇陸每有望洋之嘆以其
無所不該無一不爲世寶也茲四十四首中而吸精舂
髓各盡四家之精華而兼臻其妙唐耶宋耶不肯分而
今合耶公歸治荆方謁道左公卽出是集命治荆細閱
之嗟乎公之提命於治荆者可謂諄且摯矣舊夏五以
朝天集見示今夏五以鴻爪集見示一歲之中兩讀鴻

寶治荆幸矣受公裁成者真不淺矣所媿治荆實不敏
縱勉強學吟恐終無當於公之提命何也至是集之爲
韓爲杜爲蘇爲陸世之讀者自能辨之治荆又何多贅
焉丁卯夏五黃山屬吏武密靳治荆敬題

鴻爪集

安丘曹貞吉實菴纂

宿藁口

迢遞華陽百里程亂山深處夢魂清夜來驚枕有奇響
知是松聲是水聲

琴溪

突兀飛虹百尺餘懸厓何處覓仙居年年上巳桃花水
惆悵琴高赤鯉魚

琴魚

仙人騎將赤鯉去此地遂有琴高魚清溪千仞不見底

森如碧玉流長渠其魚瑣細不入格形模恢詭堪驚吁
三月三月初舉網一網億萬無畱餘吹以春風暴以日
奔走南北何賢愚練江綠螺同色味不煩鼎俎尤清虛
吳宮膾殘亦奇物未聞骨相如此臞老生常談海若納
百谷鯤鵬變怪蒙莊書南溟一徙九萬里濤飛山立群
靈趨巨鱗首尾不可截舳舻入腹舟人呼又嘗目擊東
海魚大上眼光如炬扶南珠神龍愛寶挾之去化爲胥
井懲貪夫防風骨節中梁棟片鱗一鬣能專車嗚呼其
大也如彼其小也如此乃識造化功兼悟神仙旨逆旅
主人告余言琴仙之惠誠汪濊一年一度無愆期思之

女能得其理或云昔日神鼎金膏成服食之餘棄于水
爲魚不復作魚香黍米神功應爾爾恬淡寧爲口腹累
江鱗河魴皆腥穢啖久定可殺三彭赤松黃石吾徒耳
霓旌絳節紛相從萼綠飛瓊供驅使君莫小視琴川魚
琴川之魚天下無

拜愚山先生野殯

杜宇聲中飛紙灰野棠開處長青苔荒林寂寞應含笑
白髮門生鏡具來

又

幽宮一拜一潛然絮酒何能到下泉記否生存華屋處

兔葵燕麥已芊芊

又

文章華國竟何爲
逝水東流有盡期
最是長安風雪裏
含情相對夜深時

喜晤瞿山

聞聲常失喜
况復見鬚眉
小別知何日
吳霜冉冉垂
入門花藥富
把臂夕陽遲
四壁紛巖壑
欣然快所私

又

孝廉船屢放懷刺
不逢人常苦音塵絕
何由形影親
寧知良會杳
仍在宛溪濱
便欲買山住
瞿礪同結鄰

又

山僧與童子
點染倩佳兒
健筆縱橫甚
平添老樹枝
孤亭懸縹緲
雙塔鬱參差
硯碑蛟龍勢
攜歸也自奇

拜姜如農先生墓

東海姜夫子
英靈接混茫
潛身敬亭野
吾道有輝光
鷄絮鄉人薦
丹青志士傷
似聞曾請劍
疏草尚琳琅

又

巋然三尺在草色
自青青意氣存
終古風雷走百靈
孤臣悲永戍
弱子勒遺銘
白也詩無敵
長唵好共聽

穀雨日遊敬亭

同遊者爲朱廣德立山梅侍御桐
厓阮黃門于岳梅孝廉瞿山耦長

憶昔登北樓山色橫遠綠京塵二十年遊屐不復續
穀雨美風日駕言趨山麓樵徑陡紆威林光悅幽獨
松花撲人衣濃翠生眉目筍抽碧玉圍驚雷起龍
族山僧當晝眠煙青焙茶熟但期飲文字何用襍
絲肉振衣額珠樓石磴莽迴襖穿林若生攫躡嶠
疑奔鹿神志一以曠觀聽得清淑長橋駕螭竦雙
流爭起伏塔頂鬱崢嶸人煙集水陸一髮辨麻姑
蒼然數峰矗遐搜竟忘疲荏苒龍銜燭眺彼夜氣
佳翻訝流光速及茲未去間良會當

再卜

敬亭和雪坪韻

山溪三月始聞鶉櫻熟茶香似往年高閣全收空翠色
長溪倒映蔚藍天青蓮詩句自千古黃蘗兒孫今幾傳
我欲登臨騁遠目綠楊城郭正茫然

和瞿山韻

巨筆如椽存鈔蹟扶衰更上一層樓蓬根無定悲今雨
鴻爪重尋感舊遊氣接方壺真咫尺身隨雲海共沉浮
蒼然平楚看何極只有雙溪匝地流

和高槎客見投之作

論交爭得望肩齊處世無能學突梯憶唱輕塵三疊曲
頻驚茅店數聲鷄重尋京國人何在忽到昭亭句自題

便欲畱君雨中坐夜溪好爲奮豪犀

又

詩思渾如上峽船多君吳檣下青天唵殘嚴子披裘處
行到江淹舊渚邊春色滿城初擘絮鼇峰三月正啼鵲
相思更在梧桐掖憑藉飛鴻一一傳

爲雪坪題長安論詩圖兼懷阮亭先生

日下秋風遠別離思君臥病魯連陂那堪漂泊江南後
重讀漁洋幼婦詞

又

髯枯眉落見當時畫壁旗亭足夢思開卷恍然成一笑

分明雙樹影參差

荅朱立山

昌黎詠二鳥青田賦二鬼厥義雖雷同厥詞良恢詭余
老官復卑餘茲髮與齒一麾落南服新安好山水紛紛
說黃白得名偶然耳一壑復一丘青峭俱堪喜自顧寡
儔侶安能吐奇瑋懿哉斬鐵壁翩翩佳公子刻意摹放
翁清言亦何綺我時竭鴛鴦鈍跌宕不自止私計天壤中
一夔已足恃丁卯暮春月偶躡昭亭屣茲地實舊遊屈
指閱兩紀振袂登鼇峰風日仍清美傾蓋得立山瞻帷
亦駐此豐沛名家流桐川賢刺史貽我冰雪詩溪厚杜

凌髓旖旎入西昆蘭晚金荃似縱橫
執圃間載籍追皇始
派別星宿源力作中流
砥陋彼斗筭人聲蛙而色紫
淵衷慎虛憍老筆懲波靡
僉夫誠僕僊不覺瞿然起
五體遂投地結言望風旨
光岳氣不孤聚在三百里
謂斬也
緬維京洛遊羣賢策疲骹
祭酒盛壇坵海內執鞭弭
筆墨戒流易藩籬頗堅峙
風塵十載餘花散河橋矣
前年澹亭歿去年黃涓死
卓犖顏考功一病不復理
令人殊短氣淚滴練溪尾
遇子恨已遲猶足張吾壘
乃知韓劉儕所重在角犄
雲龍那敢方臭味差堪擬
願學松柏姿勿爲穠桃李

同梅瞿山定九雪坪沈方鄴汪雨公施沅郎汪扶

晨集吳綺園寓齋與定九談天官家言聯句得

四十韻

圓蓋迴無垠磅礴劇溪廣非探罔象珠誰其窮指掌

吾叔耽絕學疏觀勞俯仰旁搜歐羅書巧測璣衡像

南冥皇宅寬西極帝居敞旨旣洞高濶辭因陳慨慷

聞闔自寥廓橐籥亦規倣關憑虎豹看氣作蟻螻想

我聞事災祥在天必垂象熒心以德遷西華以奸長

靈憲洵足徵耶蘇頓疑罔諸家紛聚訟折衷孰堪獎

周髀與蓋天群書昧羅網沅郎秦宓辨固雄鄒衍談亦莽

何如汝南精亟荷平陽賞扶晨高會盛陵陽通守得任昉

振藻受謨韶折節到菰蔣雪坪如星聚偶然揚鑣競吾黨

况復風口佳清談轉高爽瞿山布算通中西搜奇徧今曩

旗鼓誰則當羔鴈吾亦儻煌矣靈臺器疇云澈帝享問

業得精專窮神見佛彷彿風雷由節制垣野辨墳壤實菴運

會漸開通經緯自昭朗積候承古初妙義本微茫所愧

疎見聞觀察局益益庶幾賢博奕敢謂窺參兩定九連朝

風雨怒奔雷助電響瞿山積靄沉楚山飛濤激吳榜方鄴鼇

壁赭嗟峨宛練碧流湍綺園歡譁復東軒旅讌憶西瀼紫

蒂泛杯中紅藥翻階上泥郎夏氣破春來遙情倍孤往瞿山

縱橫棋一枰汗漫屐幾緇兩公單衣謝毳屨豐廚出蝦鯨

雲歌雨開茗柯寄雲養雪坪駢羅坐方淹沉涵趣還強

明發問昭亭一笑適莽蒼綺園

過鼇峰不見諸道士

鴻跡曾留歲月更舊遊如霧不勝情分明白鶴峰前路

少却丁丁落子聲

又

丹竈久應無宿火塵封全失舊題名寧知雲水飄然侶

也似人間隔死生

題錢舜舉寫生冊子

草蟲

砌草侵眉綠簷瓜帶蔓豐嚶嚶如動股知是繪函風

鷓鴣

瘴黑黃陵祠月暗湘江口鞦韆數聲啼征人盡回首

蜻蛉

偷眼畏百勞寧憂褐艾睨田田荇葉間何處不堪避

蟬

飲露脩脩靜因風嘒嘒聞天然垂兩翅薄似髻邊雲

蟬

青草黃蘆岸漁燈明滅時誰能熟爾雅常是誤螿蟬

蝶

翩翩紅雨中團扇不須撲日暮憺忘歸花間隨意宿

螳螂

天下之勇蟲越王曾式汝只愁黃雀來鳴螳亦難取

鷄鶩

孟氏陳王道惟茲五母鷄雕籠生意足春草自萋萋

為施孝虔題趙承旨人物卷子

伯時好畫馬見呵秀鐵面松雪將無同紈素九州徧質
鼎人爭傳驪黃那能辨此卷獨不然乃作騎驢變長耳
鳴北風四蹄蹴冰霰嗒焉驢背人衝寒意已倦席帽何

欹斜紅鬪光凌亂疑是孟襄陽苦陘出荆峴又疑長爪
生錦囊文續斷一僕莽凌兢似畏銀海眩不于板橋側
驚落梅花片墨燦小兒睛絹學鵝溪練承旨故勝流此
圖乃自見畫驢不畫馬必逢世眼賤願子什襲珍勿使
龍媒擅

贈街南先生

閉戶著書一千卷烏衣白恰自年年脩棊買藥時來往
猶恐人呼作地僊

又

五柳村中陶栗里成都市上嚴君平誰言心跡難雙絕

避世壻東有此清

又

耆舊人傳鄭谷口隸書卓犖信登壇先生腕底千鈞力
只作雕蟲小技看

又

闡義高文敵史遷名山光怪要人傳如何尚學琅環秘
只少塵中造業錢

題坡公墨蹟

丁卯之歲夏方初宛陵遊子將歸歟登堂發篋觀畫圖
最後乃見髯公書絹理細等鷄子膚墨光慘澹神明俱

端人正士位置殊雲臺高議聞嗟吁漏痕釵脚非形模
玉環飛燕何肥癯奎宿光落西南隅峨眉山色秀不枯
扶輿佳氣爲名儒文章道義懸斗樞筆墨亦足驚凡愚
五百年中無事無盜賊水火寧私諸歸然魯殿靈光孤
疑有神物相匡扶伊余身賤豕負塗腕中有鬼安能驅
褒揚光旦羞鹽媼出門上馬躍以呼城頭日暮烏畢逋
頓忘漂泊仍江湖

雨中發陵陽

一綫雙羊路方塘納納淡如釵記萋葉似髮辨秧針雨
脚還瀟灑歸程怕滯淫茲遊信奇絕不負廿年心

余乙巳遊

宛今二十餘年矣

宣城道中

三月晦日作

溪流通翠約山意破溟濛天落曾青色人行淨綠中野
花光拂面新竹勢排空鳥犢一雙去沙鷗幾點同嶺雲
橫雉堞壞道卧巖熊岸水農人健分秧婦子工村溪啼
布穀陂滿下魚量恣恣含朝爽陶陶入夏風驅車非遠
道回首憶冥鴻

謂晴嵐也

山行口號

雲際蒼然秀色鋪萬松溪處翠模糊便思作使馬遙父
爲畫春山欲雨圖

又

舊年秋葉明于纈今日春山翠欲流荆浩王維皆絕技
一經烘染便春秋

旌陽道中

夾路花香能破鼻連車麥穗欲登場奇峰雲歛四山靜
少女風來一味涼

曉晴

竟夕喧雷電能愁過嶺心曉雲開斷續山氣夫陰沉曲
磴咽危石長林悅夏禽千盤聊復陟拾級得幽尋

過嶺

又躡登山杖初藉物色鮮林光新沐後濃翠正娟娟紅
萼乍收蕊白雲如擘綿置身霄漢上目極一潛然

早發華陽

初日澹流暉駕言出南郭道旁列坊表山骨莽鑿削少
保信水街尚書亦高爵門第軼金張功名薄衛霍駒隙
劇倏忽電光爭閃爍華屋與山丘俯仰殊哀樂祠廟尚
巍峩丹楹而刻桷泯泯百年期精爽安所託



